

Lesley Griffiths AS

Y Gweinidog Materion Gwledig a Gogledd Cymru, a'r Trefnydd

Lynne Neagle AS

Y Dirprwy Weinidog Iechyd Meddwl a Llesiant

12 Rhagfyr 2022

Annwyl gyfeillion

Rheoliadau'r Fasnach mewn Anifeiliaid a Chynhyrchion Perthynol (Diwygio a Swyddogaethau Deddfwriaethol) ac Iechyd Anifeiliaid (Diwygiadau Amrywiol) (Cymru) (Ymadael â'r UE) 2022 a Rheoliadau Bwyd a Bwyd Anifeiliaid (Diwygiadau Amrywiol) (Cymru) (Ymadael â'r UE) 2022

Yn ein cyfarfod heddiw, ar 12 Rhagfyr 2022, ystyriwyd Rheoliadau'r Fasnach mewn Anifeiliaid a Chynhyrchion Perthynol (Diwygio a Swyddogaethau Deddfwriaethol) ac Iechyd Anifeiliaid (Diwygiadau Amrywiol) (Cymru) (Ymadael â'r UE) 2022 (Rheoliadau TARP 2022) a'r Rheoliadau Bwyd a Bwyd Anifeiliaid (Diwygiadau Amrywiol) (Cymru) (Ymadael â'r UE) 2022 (Rheoliadau Bwyd 2022).

Mae'n siomedig nad ydym wedi cael ymateb i'r 34 pwynt adrodd yr ydym wedi'u codi mewn perthynas â Rheoliadau TARP 2022, yn enwedig o ystyried goblygiadau posibl y drafftio diffygiol yr ydym wedi'u nodi. O ran Rheoliadau Bwyd 2022, roeddem yn gallu ystyried ymateb Llywodraeth Cymru i'n pwyntiau adrodd.

Rydym yn pryderu ei bod yn ymddangos bod Llywodraeth Cymru yn parhau gyda'i chynlluniau i ofyn am gymeradwyaeth y Senedd ar gyfer y rheoliadau hyn, er bod y ddau offeryn yn ddiffygiol. Rydym felly wedi gwneud y penderfyniad i ysgrifennu atoch ar frys, yn dilyn ein hystyriaeth o'r rheoliadau hyn yn ein cyfarfod y prynhawn yma.

Rydym yn credu ei bod yn hanfodol bod rhagor o wybodaeth yn cael ei darparu i'r Senedd cyn i chi ofyn i'w Haelodau gymeradwyo rheoliadau y gwyddom sy'n wallus, ac a allai leihau effeithiolrwydd a hygyrchedd y gyfraith a'r gallu i'w gweithredu, yn enwedig i randdeiliaid a dinasyddion y mae'n effeithio arnynt yn uniongyrchol.



Rheoliadau'r Fasnach mewn Anifeiliaid a Chynhyrchion Perthynol (Diwygio a Swyddogaethau Deddfwriaethol) ac Iechyd Anifeiliaid (Diwygiadau Amrywiol) (Cymru) (Ymadael â'r UE) 2022

- C1. Mae'r pwerau a ddefnyddir i wneud y Rheoliadau hyn yn dod i ben ar 31 Rhagfyr 2022. A allech chi, felly, roi manylion y pwerau a fyddai'n cael eu defnyddio i wneud cywiriadau i unrhyw elfennau diffygiol o'r ddeddfwriaeth?
- C2. Pa gyfyngiadau fyddai (os o gwbl) ar osod deddfwriaeth nad yw'n ddiffygiol ar ôl 31 Rhagfyr 2022 (yn hytrach na pharhau â'r Rheoliadau presennol gerbron y Senedd)?
- C3. Beth fyddai effaith peidio â gwneud y Rheoliadau hyn cyn 31 Rhagfyr 2022?
- C4. Pam rydych chi wedi penderfynu peidio ag arfer pwerau sydd yn *Neddf yr Undeb Ewropeaidd (Ymadael) 2018* i ganiatáu defnyddio'r weithdrefn frys (gadarnhaol 'gwnaed') fel modd o gywiro'r drafftio diffygiol y tynnodd y Pwyllgor sylw atynt?
- C5. A wnewch chi nodi pa bwyntiau rydych chi'n cytuno / anghytuno â hwy yn ein hadroddiad mewn perthynas â'r Rheoliadau hyn, fel y gall yr Aelodau ddeall eich safbwynt?
- C6. A wnewch chi amlinellu beth yw effaith ymarferol gwneud y ddeddfwriaeth hon gyda diffygion yn erbyn yr effaith ymarferol o beidio â gwneud y ddeddfwriaeth hon, gan gynnwys unrhyw risgiau iechyd, diogelwch a / neu fioggiogelwch?
- C7. A wnewch chi gadarnhau a yw'r sefyllfa hon yn arwain at ymwahaniad rhwng Gogledd Iwerddon a Phrydain Fawr?
- C8. Sut rydych chi'n bwriadu mynd i'r afael â chywiro'r Rheoliadau diffygiol pe caent eu cymeradwyo gan y Senedd ac i ba amserlen?

Rheoliadau Bwyd a Bwyd Anifeiliaid (Diwygiadau Amrywiol) (Cymru) (Ymadael â'r UE) 2022

Yn ymateb Llywodraeth Cymru, rydych yn datgan y byddwch yn cywiro'r gwallau a nodir ym mhwyntiau adrodd 2, 3 a 5 " pan fydd y cyfle nesaf yn codi" a'ch bod yn rhagweld "y bydd offeryn statudol addas ... yn mynd rhagddo yn ystod hanner cyntaf 2023".

Mae Rheoliadau Bwyd a Bwyd Anifeiliaid (Diwygiadau Amrywiol) (Cymru) (Ymadael â'r UE) yn cael eu gwneud gan ddefnyddio pwerau ym mharagraff 1(1) o Atodlen 2 a pharagraff 21(b) o Atodlen 7 i *Deddf yr Undeb Ewropeaidd (Ymadael) 2018* ac yn adrannau 66(1), 74A(1) ac 84 o *Deddf Amaeth 1970*.

- C9. Eto, gofynnwn am gadarnhad ynglŷn â pha bwerau fydd yn cael eu harfer i wneud yr offeryn statudol cywiro priodol?

C10. Beth fyddai effaith peidio â gwneud y Rheoliadau hyn cyn 31 Rhagfyr 2022?

C11. Pa asesiad o effaith y mae Llywodraeth Cymru wedi'i gynnal i wneud y penderfyniad ei bod yn well diwygio'r ddeddfwriaeth ddiffygiol hon yn y Flwyddyn Newydd yn hytrach na'i thynnu yn ôl a gwneud rheoliadau newydd gan ddefnyddio pwerau eraill?

C12. Pryd y caiff y Rheoliadau cywiro eu gosod gerbron y Senedd?

C13. A wnewch chi gadarnhau a yw'r sefyllfa hon yn arwain at ymwahaniad rhwng Gogledd Iwerddon a Phrydain Fawr?

Byddem yn eich annog i fynd i'r afael â'r cwestiynau hyn yn ystod dadleuon perthnasol yn y Cyfarfod Llawn ddydd Mawrth 13 Rhagfyr, ac rydym yn disgwyl ymateb ysgrifenedig llawn i'n cwestiynau cyn gynted â phosibl.

Rwy'n anfon copi o'r llythyr hwn at Bwyllgor Busnes y Senedd.

Yn gywir

*Huw Irranca-Davies*

Huw Irranca-Davies

Cadeirydd

